



Ikinyamakuru N°29/2016;

Taliki ya 11–20 Ukwakira 2016

Ryoherejwe kuwa 22 Ukwakira 2016

**Ingingoz'ingenzi:**

- o **Igiteranyo cy'imvura** yabonetse kuwa taliki 11 kugeza taliki 20 z'ukwezi k'Ukwakira 2016; cyagaragaje imvura iri muni y'isanzwe iboneka;
- o **Igabanuka ry'ububobere bw'ubutaka** mu bice byose by'Igihugu.
- o Hateganijwe ibicu bidatanga imvura muri iyi minsi ya mbere y'igihembwe cyanyuma y'Ukwakira 2016


**I. Iriburiro**

- a) Imbonerahamwe irererekana ikigereranyo ku mvura yaguye mu gihembwe cya kabiri (11-20) cy'ukwezi k'Ukwakira 2016 ndetse n'imvura dusanzwe tubona muri uku kwezi kuri buri bupimiro

**Igiteranyo cy'imvura kuri buri bupimiro (muri mm)**

Ubupimiro	11-20 Ukwakira 2016	11-20 Ukwakira
Kigali	4.3	32.3
Rusizi (Kamembe)	18.3	53
Rubavu (Gisenyi)	4.9	47.9
Nyamagabe (Gikongoro)	0	36
Ngoma (Kibungo)	2	33.5
Gicumbi (Byumba)	22.7	39.7
Busogo	9.5	56.2
Bugarama	11.6	42.6
Musanze (Ruhengeri)	9.5	59.6
Gitega	3	37.6
Rubengera	14.5	44.4
Byimana	4.2	40
Kawangire	0.8	36.8
Nyagatare	2.8	41.7


Imbonerahamwe ya




Igishushanyo

- b) **Ubusesenguzi ku mvura yaguye:** Ikarita zikurikira zigereranya imvura yaguye mu gihembwe cya 2 cy'Ukwakira 2016; imvura isanzwe igwa mu gihembwe cya 2 cy'Ukwakira, imvura yaguye mu gihembwe cyakibanjirije (igihembwe cya 1) ndetse n'imvura isanzwe igwa mur'icyo gihe.


Ikarita ya1: Imvura yaguye 11–20 Ukwakira 2016




Ikarita ya2: Imvura isanzwe igwa hagati ya 11-20 Ukwakira



Ikarita ya3: Imvura yaguye 01–10 Ukwakira 2016



Ikarita ya4: Imvura isanzwe igwa hagati ya 01-10 Ukwakira



**II. Uko imvura yaguye hirya no hino mu gihugu hagati ya 11-20 Ukwakira 2016 mu buryo burambuye**

Iminsi itanu (5) yakurikiranye nta mvura niyo iboneka ku bupimiro bwinshi mu gihugu, iminsi imvura yaguyemo ntiyabashije kugeza ku kigereranyo cy'imvura dusanzwe tubona muri iyi minsi:

**a) Intara y'Iburasirazuba**

Ubupimiro bwose buhagarariye iyi Ntara bwerekanye imvura iri muni y'iyoy dusanzwe tubona; Ubupimiro bwa Nyagatare nibwo bwagaragaje imvura nyinshi muri iyi Ntara nayo nto cyane kuyari isanzwe ihaboneka kuko habonetse ingana na kimwe cya 20 ( $\frac{1}{20}$ )cy'iyari isanzwe ihaboneka

**b) Intara y'Amajyaruguru**

Ubupimiro bwose buhagarariye iyi Ntara bwerekanye imvura iri muni y'iyoy dusanzwe tubona; Ubupimiro bwa Gicumbi nibwo bwagaragaje imvura nyinshi mu gihugu cyose ingana na mm22.7 (reba **Imbonerahambwe1**); nayo nto kuyari isanzwe ihaboneka

### c) Intara y'Amajyepfo

Ubupimiro bwose buhagarariye iyi Ntara bwerekanye imvura iri muni y'iyoye dusanzwe tubona; Ubupimiro bwa Nyamagabe bwari busanzwe buzwiho kugira imvura nyinshi, ntibwabonye imvura muri iyi minsi icumi (10) ishize (reba **Imbonerahambwe1**)

Turabona imvura nyinshi muri iyi Ntara ku Bupimiro bwa Byimana nayo nto cyane kuyari isanzwe ihaboneka kuko habonetse ingana na kimwe cya 10 ( $\frac{1}{10}$ )cy'iyari isanzwe ihaboneka

### d) Intara y'i Burengerazuba


Ubupimiro bwose buhagarariye iyi Ntara bwerekanye imvura iri muni y'iyoye dusanzwe tubona; amajyepfo y'iyoye Ntara niho hagaragaye imvura nyinshi muri iyi Ntara (Ubupimiro bwa Rusizi bwabonye mm18.3 n'ubwa Rubengera ingana na mm14.5); nayo nto cyane kuyari isanzwe ihaboneka

### e) Umujyi wa Kigali

Mu mujyi wa Kigali uhagarariwe n'ubupimiro 2 (Gitega na Kigali) wabonye imvura iri muni y'isanzwe igwa; imvura iri mu kigero cyo hasi cyane y'isanzwe ihaboneka kuko ku bupimiro bwombi iyabonetse iri mu kigereranyo cya kimwe cya 10

## III. Ingaruka ku Buhinzi

### a) Ububobere bw'ubutaka (amafoto y'icyogajuru)



Mu gihembwe cya kabiri cy'Ukwakira 2016 ntaho habonetse imvura ihagije yo gukomeza kubobereza ubutaka; nubwo igihembwe cya mbere cyabonetse imvura nyinshi ku bupimiro bwose (reba **Ikarita3&4**); habonetse iminsi micye ikurikirana itabonekamo imvura yatumye ububobere bugabanuka (nkuko amafoto y'icyogajuru **Ikarita5&6** abyerekana)

Mu bice byinshi by'igihugu habonetse igabanuka ry'ububobere rishobora kudindiza ibihingwa hatabayeho kubyuhira amazi yafashwe mu gihe cy'imvura (Iki gihembwe-A cy'Ihinga ry'Umuhindo kigomba gufashwa mu kwuhira kuko kizagira imvura nke mu bice byinshi by'igihugu nkuko tubisanga mu kanyamakuru k'iteganyagihe ry'igihembwe "2016\_SOND Seasonal forecasting")

Igihembwe cya gatatu ari nacyo cyanyuma cy'uku kwezi kw'Ukwakira 2016 harateganywa iminsi yambere ifite imvura nke mu gihugu. Abahinzi bakaba bagirwa inama yo gukomeza kuhira imyaka muri iyi minsi itarimo imvura nyinshi yakwangiza imyaka

### b) Iteganyagihe ry'igihembwe cya gatatu (nyuma) cy'Ukwakira 2016

Igihembwe cya gatatu ari nacyo cyanyuma cy'uku kwezi kw'Ukwakira 2016 harateganywa iminsi yambere ifite imvura nke mu gihugu:

**Umujyi wa Kigali;** hateganyijwe imvura nke mu mpera z'uku kwezi k'Ukwakira.

**Intara y'Uburasirazuba;** hateganyijwe imvura nke mu gice cy'amajyaruguru ndetse n'imvura mu Ntara yose mu minsi ya nyuma y'uku kwezi.

**Intara y'Uburengerazuba;** hateganyijwe imvura nke iri mu kigereranyo cy'isanzwe igwa.

**Intara y'Amajyaruguru;** hateganyijwe imvura nke n'ubugabanuke ku ngano y'imvura ku gipimo cy'iyari isanzwe igwa.

**Intara y'Amajyepfo;** hateganyijwe imvura nke mu mpera z'uku kwezi k'Ukwakira; naho uburengerazuba bw'iyi Ntara bukazabona imvura ishobora kwiyongera ikagera ku kigereranyo cy'iyari isanzwe ihaboneka

**N.B:** Iri teganyagihe rigomba kwifashishwa hagendewe kurishohoka buri muni, iry'iminsi itatu (3), itanu (5) ndetse n'iry'iminsi irindwi (7) ritangwa n'Ikigo cy'Ubumenyi bw'Ikirere (Meteo Rwanda)